

**Ataatsimiinnerup ammarneqarnera**

(Sivisunerpaamik ilaasortaasimasoq)

Assut nuannaarutigaara Inatsisartunut ilaasortaqaqit 2017-imni Ukiakkut Ataatsimiinnermut matumunnga tikilluaqqusinnaagassi.

Neriuppunga aasarsiorluarsimassasusi.

Ataatsimiinnermi oqaluuserisassat pingaarutilippassuit oqaluuserisussaavagut, neriuutigaaralu pitsasumik, inerititaqarfiusumik minnerunngitsumillu siunnerfilimmik suleqatigiinnikkut taakku angusaqarfialluartumik oqaluuseriumaarivut.

Naalakkersuisut inatsisiliortullu pitsasumik inerititaqarfiusumillu suleqatigiinnissaannik kissaateqarlunga taamatuttaaq Naalakkersuisunut ilaasortat qamannga pisumik tikilluaqqquakka.

Sineriassuatsinni isorartoqisumi nunaqqativut tamaasa TV-kkut inatsisartullu nittartagaatigut Inatsisartut ataatsimiinnerannik malinnaasut pinngitsoorusunngilanga aamma tikilluaqqussallugit.

Takusinnaavara Inatsisartunut ilaasortat tamarluinnangajammik ataatsimiinnerup ammarneqarneranut apuussimasut.

Ineqi Kielsen New Yorkimiippoq Naalagaaffiit Peqatigiit ataatsimeersuarnerannut peqataalluni.

Knud Kristiansen angalaniarnikkut pissutsit pissutigalugit suli apuutinngilaq.

Anders Olsenip najuutinngikkallarnissaa akuerineqarsimavoq, naatsorsuutigineqarlunilu oktobarip ulluisa pingajuanni ataatsimeeqataalernissaa.

Inatsisartunut ilaasortaq Ane Hansen akuerineqarluni sulinngiffeqarpoq.

Aaja Chemnitz Larsenip sulinngiffeqarnera atorunnaarpoq Inatsisartunullu ilaasortanngooqqilluni. Aaja Chemnitz Larsen tikilluaqqigit.

Naggataatigut ilisimatitsissutigisinnaavara Inatsisartut sinnerlugin Ataqqinartorsuaq Dronning Margrethe Aappaat, danskit naalakkersuisui, Folketingi, Islandimi Altingi Savalimmiunilu Lagtingi kiisalu Nunavummi inatsisartut inuullaqqussuteqarfingisimagakkit Inatsisartut ukiuanni nutaami pitsasumik inerititaqarfiusumillu suleqatigiittuarnissaq kissaatigalugu.

Taamatut oqaaseqarlunga Inatsisartut 2017-imi Ukiakkut Ataatsimiinnerat ammarneqartutut nalunaarutigaara.